



# ARUBAANSE COURANT

## DIARIO ARUBANO

EDICION Y SUBSCRIPCION TEL: 2116  
MANAGEMENT Y ANUNCIO TEL: 1116  
MANAGER: E. WOUTERS

DIAHUEBS 29 DI JULI 1965.

EDITA PA: ARUBAANSE DRUKKERIJ, UITGEVERS  
& PUBLICITEITS MIJ N.V.  
IMPRIMI PA: DRUKKERIJ "DE STAD"

UN HECHO INDISCUTIBLE:

**"SI NO TABATA PA "LA ESPERANZA"  
PRIJSNAN LO NO A BAHNA NA ARUBA!"**

**ACUERDO LOGRA AYERA MAINTA  
UPA y SVA lo firma convenio  
nobo dia 31 di juli**

ORANJESTAD - Despues di a tene mas o menos 26 deliberacion Union Portuario Aruba (UPA) y Scheepvaart Vereniging Aruba (SVA) a jega na un acuerdo pa firmamento di un convenio colectivo di trabao nobo. Muy probablemente e convenio aki lo worde firma dia 31 di juli venidero na oficina di e mediador di gobierno mr. Frank Hartong. E validez di e convenio ta cuminsa dia 1 di agosto y a worde sera pa un tempo di 2 anja y 6 luna. E ultimo aki tabata un punto di lucha cu te ayera mainta diezun' or y mei a worde solucionado satisfactoriamente pa e dos partidonan. E convenio nobo ta contene hopi mehoranza den e condicionnan di trabao di e trahador di haf, entre otro un aumento di salario y beneficiacion social. Tanto pa parti di UPA como pa parti SVA nan ta masha satisfecho riba e manera cu e deliberacionnan a tuma lugar y riba e bon trabao di e mediador mr. F. Hartong.

Despues di casi dos luna di deliberacion tocante un convenio di trabao nobo entre e trahador-  
nan di haf di Aruba representan-  
ta pa e bond di trahadornan -  
UPA y Scheepvaart Vereni-

ging Aruba cu ta defende e interesnan di e diferente companianan di bapor na Aruba, un acuerdo tocante firmamento di un convenio colectivo di trabao nobo a ser logra ayera mainta. Na fin di siman pasa a parce cu

lo a surgi un conflicto entre e dos partidonan. Sin embargo door di comprendemento y honestidad cu a worde demostra di tur dos banda durante e deliberacionnan a logra solucion a puntonan di mas dificil den e mas minimo tempo posibel. Esakinan tabata tres punto riba cual e dos partidonan no por a jega na un acuerdo despues di cual ariba peticion di SVA, nan a pidi e mediacion di e mediador mr. Frank Hartong.

Na un manera excelente e ultimo aki a dirigi e ultimo deliberacionnan y cu exito el a logra cu e dos partidonan a bini di acuerdo riba tur e puntonan di convenio nobo, sin cu tabata necesario pa usa otro medionan.

LO TIN PLEDOOI DEN CASO

**"PETRONA & CROES"**

ORANJESTAD - Un biaha mas e caso Petrona & Croes (Aruba) N.V. contra Bestuurscollege di Aruba a presenta dilanti huez den promer instancia ayera mainta.

Durante e sesion aki e abogado di e firma contratista, sr. J.B. Wix a haci e suplica na huez pa stipula un dia riba cual e partidonan por tene nan pleidooi. Riba esaki huez a aplaza e sesion te pa dia 4 di agosto, riba cual fecha lo e anuncia e dia riba cual e pleidooi nan lo worde teni.

## Norvietnam a abati tres avion mericano durante un ataque

SAIGON -- UPI -- E formacion di 46 aparato di caza y bombardeo di reaccion di e forsa Aerea norteamericano cu ayera a ataca dos emplazamiento di cohetenan - proyectil na Vietnam del

Norte, 60 kilometer na noroeste di Hanoi, a destrui un y a causa hopi danjo ne otro.

Di e atacantenan a cai tres Thunderchiefs F-105 pa e intenso fuego di e bateria antiaerea comunista. Mas despues e autoridnan di Hanoi a anuncia e captura di tres piloto norteamericano na Vietnam del Norte.

E portavoznan militar di Merca a anuncia e ataque varios ora despues cu e noticia a ser duna na conoce den un conferencia di prensa na Washington, pero nan a nega na duna mas detalle.

E dos emplazamiento di cohete cu recientemente a ser instalada a ser descubri pafor di e estrecho perimetro di cinco instalacion di cohete di tierra pa laria (SAM) cu a ser construi pa e sovieticonan den cercania di Hanoi, e capital comunista.

Diasabra nan a ser revela pa e destruccion di un avion norteamericano Phantom F4C di reac-

cion fuera di alcance di e cohetenan di Hanoi. Despues nan a bisa oficialmente cu probablemente e avion a ser alcanza pa un cohete di fabricacion ruso.

Autoridadnan norteamericano akinan a muestra nan di tabata poco activo, pero den priva nan tabata traha na e destruccion di e emplazamiento di cohete nan promer cu nan a ser descubri den cercania di Hanoi.

E anuncio di e departamento di defensa ta bisa cu nan a dicidi di destrui e emplazamiento nobo pasobra nan tabata protege zonan cu ta constitui objetivo nan di prioridad haltu, manera e depositonan di municion y petrecho, cuartelnan y demas medionan cu ta ser usa pa yuda e guerrilleronan di Viet Cong Ta.

E anuncio oficial ta bisa cu e piloto nan a informa cu un emplazamiento a ser destrui y e otro danja, pero te ainda nan ta studiando e potret di e bombardeo. Vietnam del Norte a anuncia awe cu e piloto nan di tres avion norteamericano cazabombardero cu a ser tumba ayera den e ataque contra di e emplazamiento di cohete antiaereo, a ser captura. E noticia no a ser confirma

pa e autoridnan norteamericano. E departamento di defensa a anuncia poco promer na Washington cu e otro piloto nan cu a participa den e ataque a mira dos paracaidista habri.

Un total di 46 cazabombardero norteamericano a destrui un plataforma di lanzamiento di cohete antiaereo cu recientemente a ser construi y danja mes ora, 59 kilometer na noroeste di Hanoi. E ataque a ser ordena pa e presidente norteamericano, Lyndon B. Johnson, despues di a yega na e conclusion di cu e aparato "Phantom" di e forsa aerea cu a perde riba Vietnam del Norte diasabra ultimo a ser abati pa un proyectil cu a ser tira for di un di e plataforman.



TISSOT

SPRITZER + FUHRMANN  
The Jewelers of the Caribbean

ORANJESTAD  
3360

SAN NICOLAS  
5014

**FATUM**  
Pa tur bo aseguracion  
Tel. 1946.

# TROPA MERICANO NA VIETNAM LO SER AUMENTA NA 125.000

WASHINGTON -- URGENTE -- UPI -- Presidente Lyndon B. Johnson a caba di anuncia awe merdia qu Merca lo aumenta e numero di hobennan qu mester cumpli cu servicio militar pa pone e numero di tropanan norteamericana na Vietnam di 75.000 pa 125.000 soldá.

Esaki ta nifica qu un total di 35,000 hoben mester acudi pa bira militar pa luna.

Tambe Johnson a revela qu el a dispone pa manda Vietnam, e promer division di Caballeria, qu ta un unidad selecto qu ta presta servicio na Fort Benning, Georgia.

E unidad aki lo bai Viet Nam acompaña pa "cierto otro" unidadnan pa asina pone e total di soldadan norteamericano na Viet Nam yega na 125,000 soldá.

Presidente Johnson a aclara, sin embargo, qu nan a yega na e conclusion qu no ta necesario pa ordena mobilisacion di tropanan di Reserva, pero qu si esaki bira necesario, lo e considera e asunto cuidadosamente y lo e anuncia cualquier medida al respecto na su debido tempu.

E promer mandatario a anuncia e programa pa intensifica e participacion di Merca den e sangriento guerra di Vietnam den curso di un conferencia di prensa qu a ser transmiti pareeuw na

radio y television pa henter e pais.

Johnson a declara categoricamente qu si tin mester di mas soldá na Viet Nam, Merca lo manda mas soldá.

Esaki lo pone qu na Merca mes nan lo mester redobla e numero di hobennan qu mester inscribi pa cumpli servicio militar di 17,000 pa 35,000 pa luna.

Na mesun tempu Johnson a ripiti su yamamentu pa e problema di Viet Nam ser cambia enbes di e campo di lucha pa mesa di conferencia y a hasi un yamamentu riba Nacionnan Uni, su funcionarianan of cualquier di su 144 miembronan pa contribui na logra un paz honorable.

El a agrega qu si e esfuerzonan qu nan ta hasiendo pa yega na un solucion di e problema aki fracasa "nos lo persisti, si nos mester persisti, te ora qu morto y desolacion lo pone qu e problema aki mester worde soluciona mediante conferencianan, cos qu por ser lográ for di awor cu un costo muchu menor".



Dos solda di Vietcong ta ser mara pa soldanan Norteamericano, mientras cu na man robez un otro solda tin un rifle cu el a kita for di e dos soldanan di Vietcong durante un ataque dia 26 na Tam Luc. 13 solda di Vietcong a ser captura durante e ataque cu a ser efectua mas o menos 40 milla for di e base aereo di Da Nang.

HUMA SEMPER BAI .....



..... E CIGARIA NUMERO 1

## Johnson lo reuni cu lidernan di congreso

WASHINGTON -- UPI -- Presidente, Lyndon B. Johnson lo reuni awe of majan cu e lidernan di e congreso den cual nan por considera e conferencia final di estrategia promer di publica su decisionnan riba e aumento di e participacion di Merca den e guerra di Vietnam.

Den algun circulo nan ta considera e reunion cu e legisladornan demócrata y republicano fin di un estudio intenso y di alcanenan grandi riba e esfuerzo norteamericano na Vietnam, cu e hefe di poder ejecutivo a cuminsa cu su colaboradornan di razon ultimo.

Sin embargo promer cu e reunion cu e legisladornan, posiblemente Johnson lo conferencia un blaha mas cu su asesornan diplomatico y militar mas haltu.

E presidente a pidi e departamentonan di estado y defensa pa nan dune informacion adicional riba e cantidad di hombernan cu tin mester pa amplia e lucha na Asia Sudoriental.

Nan ta spera cu una vez cu nan dicidi e política cu mester sigui na Vietnam e promer magistrado lo papia pa radio y television pa henter e pais pa explica e obhetivonan norteamericano y e medidanan cu mester ser tuma pa hitanan den practica.

Pa di seis dia sigui e presidente a realiza ayera discusionnan di nivel haltu riba Vietnam. El a conferencia tres ora cu e secretario di estado, Dean Rusk, e secretario di defensa, Robert McNamara, e general Earle G.

Wheeler, e hefe di estado mayor general conjuntu; Henry Cabot Lodge, embahador nobo na Vietnam del Sur, y Arthur Goldberg e embahador nobo den Nacionnan Uni.

E vice presidente, Hubert - Humphrey tambe a asisti ne reunion di e strategia, pa promer biaha for di dianan cu e reunionnan aki a cuminsa. Un di e temanan cu a ser trata den e con-

ferencia di ayera tabata e abatmentu di un avion a reaccion norteamericano riba Vietnam del Norte cual ta parse di ta un proyectil rusodi terra. E empleo

di un arma di tal naturaleza lo duna un otro comienso ne guerra di Vietnam, aunque te ainda no tabatin confirmacion oficial di cu e aparato por a ser alcanza pa un proyectil di largo alcance.

e grupo artistico di e show aki ta consisti di 57 artista y e empresario, señor Elias Sinin, durante su estadia riba nos isla a combersa cu varios persona pa explora e posibilidadnan qu un presentacion di su grupo por tini.

E intencion ta pa si nan logra trese e show Corsow, anto lo usa stadion di Rif como escenario pa forma un superficie di ijs.

Ya un blaha caba a yega di bini un Ice-Show Corsow, 16 aña

## PLANNAN PA ICE SHOW BINI CORSOW

WILLEMSTAD - Segun nos a ser informa pa fuentenan digno di credito, durante e dianan aki tabata na Corsow, un empresario Argentino quende kler trese un Ice-Show na Corsow.

Di acuerdo cu nos informante

**BO A PIDI  
GAS CABA ?**

TEL: 1198 - 1898



pasá y qu tabatin un fin lamentable aki na Corsow, ya qu despues di a presenta aki nan, e grupo a kibra.

E tempu ei nan a hasi un show na Plaza Bolívar.



Specialista medico diplomá di belleza pa **TRATAMIENTO COMPLETO DI CARA.**

o Masashi pa cara  
o Peeling  
o Pulverisation  
o Tratamento pa peishi  
o Manicure  
o Pedicure  
o Depilacion especial  
o Tratamento contra caída di cabey.

CONSEJO TA WORDE DUNA GRATIS. TRATAMIENTO SEGUN AFSPRAAK.

**IRMA E. BOOI**

Kas Paloma 71, Tel. 2461.



## Debut den estranheria:

# GRUPO DI BAILE FOLKLORICO COLOMBIANO

## DI SONIA OSORIO TA BINI CORSOW

WILLEMSTAD- Si tur cos bai segun plan y manera ta e intencion di e persona qu a tuma iniciativa pa trese e grupo di Danzas Folkloricos di Sonia Osorio Corsow, anto na luna di September publico di nos isla por disfruta di e grandioso espectáculo qu e grupo aki ta brindando pa hopi aña caba na Colombia y posiblemente pa promer biaha na Corsow.



Sonia Osorio ta ser entrevista despues qu Gobierno a condecorale.

Iniciativa pa trese e grupo di danzas Colombianas folklorica y moderno Corsow, a sali for di e señor Galofre, representante di Aerovias Condor S.A., aki na Corsow y quende a bini ta desplega un actividad laudable, den estrechamento di e lazonan economico, social y cultural entre Corsow y Colombia.

Durante un entrevista corticu qu nos tabatin ayera tardi cu Sonia Osorio, quende a yega Corsow diadomingo y ta regresa su pais mañan, el a conta nos qu ta promer biaha qu e grupo ta sali pa actua den estranheria, ya qu den pasado nan a yega di haña

invitacion pa bai actua na Washington, Haiti y Africa, pero e condicion di qu ta e grupo mes mester percura pa su propio transportacion pa e pais qu a hasi e invitacion, semper a resulta un obstaculo demasiado grandi, ya qu di acuerdo cu Sonia Osorio, gobierno di su pais no ta duna ningun clase di asistencia oficial pa por difundí folklore y cultura di Colombia den estranheria.

Sonia Osorio mes ya pa 20 aña caba tin su propio grupo di ballet y esun qu e ta dirigi actualmente tin siete aña qu el a ser formá.

E ta un muher di estatura recto y cu un cara qu te ainda ta refleha un resembiansa fuerte di e bunitesa qu den añanan di su hubentud mester tabata algu extraordinario.

Sonia Osorio, ta descendiente di un familia di escritor y e mesta periodista tambe, quende ta papia frances e ingles fluidamente. El a viaha hopi den su biba y como periodista e ta scirbi pa cuater corant na Colombia.

Ademas, e tin su programmanan di television y aña pasá mes e tabatin un programa di danzas qu tabata auspiciá pa Aerocondor. Aparte di esaki, e tin su propio programa di ballet na television di Colombia.

Contando si e dificultadnan qu e qu pasa den su pais, ela conta nos qu e ta hasi tur cos si ta necesario, y a veces e msta ta diseñá e pañanan di e bailarinan di su grupo.



Un escena durante di e show qu ta ser presenta pa e grupo di baile folklorico y moderno di Sonia Osorio. E bailenan qu nan ta ehecuta ya ta hopi familiar aki na Corsow como quiera qu ta riba tono di plesanan musical frecuntemente tocá riba nos isla, nan ta baila.

E grupo di Sonia Osorio ta consisti actualmente di 35 persona, pero si nan bini Corsow anto lo bini solamente 30 artista. E grupo mes ta reparti den dos, cu un parti qu ta toca y balla riba tononan di un harpa, guitarra, guirroy maraca mientras qu un otro parti ta balla riba tononan di cinco tambu y flauta.

E ultimonan aki ta balla e musica di costa di Colombia.

E grupo folklorico di Sonia Osorio durante un gran parti di aña ta viaha rond Colombia y pa tal motibu ta gosa di un fama nacional grandi.

Recortenan periodistica qu nos a mira ayera tardi, ta duna un idea cuantun nan ta aprecia Maria Osorio y su grupo na Colombia.

Na tur ocasion importante nan ta pidiele pa e laga su grupo actua y tres biaha el a yega di gana e premio di e Festival Folklorico Nacional di Ibagué.

Pa su meritonan den e ambiente cultural y folklorico, Sonia a ser condecorá recientemente, no menos pa su participacion activo y personal den e presentacionnan di su grupo. Aparte di ta ballarina---for di dia qu e tabatin 3 aña---e ta canta tambe.

E aña aki Sonia ta spera di hiba su grupo folklorico Venezuey Argentina, pero promer nan ta spera di bini Corsow. Si e viahe aki materialisá, anto e debut internacional di e famoso agrupacion aki lo ta na Corsow, algu qu realmente nos ta spera, pasobra sin duda alguno e local e grupo ta presenta, lo cal na agrado di publico curazoleño, pasobra e musica y bailenan qu nan ta ehecuta, ta hopi familiar caba pa nos aki na Corsow.

Actualmente nan a caba di filma un pelicula pa television aleman di e actuacion di su grupo.

Un otro aspecto interesante riba e actividadnan di Sonia Osorio den e ramo cultural y folklorico di su pais, ta e hecho qu na Bogota el a forma un grupo di baile cu e muhernan preso den prison ya obtene resultadonan magnifico cu nan, no solamente pa loque ta e resultadonan ar-

tistico sino tambe cu e factor di rehabilitacion no por ser ignorá.

El a conta nos cu e ta gosa di un afecto y stimacion general entre e muhernan qu el a siña balla y a veces hasta ta hiba nan su cas, caminda nan ta comporta nan mes modelo.

Tata di Sonia Osorio ta un autor teatral y ta columnista di El Tiempo na Bogota pero ademas tin un di e teatronan di mas grandi di e capital.

Hopi di e personanan qu ta forma parti di su grupo ta estudiante of ta traha na cualquier lugar, pero e primera figuranan ta profesional qu ta dedica nan mes completamente na practica nan arte.

Ta di spera cu e esfuersonan pa trese Sonia Osorio y su grupo Corsow lo tin resultado existoso y asina nos por disfruta di e talento cu ta ehecuta bailenan folklorico y moderno di Colombia.

### HOLLANDS STENO

5 Augustus aanvang nieuwe cursus.

Voor goedbetaald kantoorwerk moet u Steno kennen.

### ST. GERARDUS CURSUS

Wilhelminastraat 18. Tel. 3268-3196.

Weg Seru Preto Tel. 5365.

### TA BENDE

Diferente articulos di Eagle Club.

e.o. Table piano - Bottle cooler - Deep freezer - Water cooler - Amplifier with microphone - Lady's bathroom set - bottle stand - T.V. - Billiard table completely new - 2 Ping-pong tables - Bingo set (400 cards)

Pa informacion jama tel: 2247 of 1028.

### SALUDOS DI HULANDA

ORANJESTAD - E programa semanal "Saludos for di Hulanda" bau direccion di srta. Stella Priest via Radio Kelboom e siman aki lo ta riba diasabra 31 di julí pa 5.30 di atardi.

Un repeticion di e programa lo tuma lugar riba diahuebs 5 di agosto pa 1.30 di atardi.

Esnan cu lo manda un saludo for di Hulanda ta: Joan Edwards, Boy de Windt, Miguel Martina, Myrna van Ommen, Herbert Ramlal, Julius Coelho, Eric Rosa, Theresa Hinds Lucia Loe-A-Njoe, Winston Lewis y Ronald Winklaar.



# GRECIA TA WARDANDO SOLUCION DI SU CRISIS

ATENAS---UPI--Grecia ta wardando yen di tension e solucion di su crisis politica y sea den eparlamento of den e cayanan di Atenas. Bon parti di e pais por a hala rosea di alivio awe ora cu e paro general cu a ser declara na Atenas y su suburbionan a termina sin derramamiento di sanger. E mitin y dos manifestacionnan den cual varios mil obrero y estudiante a marcha pa e edificio di e parlamento a caba sin incidente y solamente algun bentanan a ser kibra y tabatin masha hopi bochincha. No obstante e tension existente e desordenan den cual tabatin un morto y varios herido no a ser repeti. E welga no tabatin un exito rotundo, solamente algun sector di e

## DIRECTOR DI SCHOOL DI OFISHI NA SAN NICOLAS

SAN NICOLAS - Cuminzando dia 1 di agosto 1965 sr. H.B. Dorsman a worde nombra director di e school di ofishi na San Nicolas. E nombracion aki a ser haci pa Bestuurscollege di Aruba. Sr. Dorsman te ainda ta maestro na e school di ofishi President John F. Kennedy na Oranjestad. E noticia aki a ser duna pa departamento di informacion di gobierno insular.

## Decision den caso Natec-Salas na september

ORANJESTAD - Manera nos a anuncia anteriormente, ayera tabata e dia riba cual huez den promer instancia na Aruba lo a tuma su decision den e caso di N.V. N.A.T.E.C. contra Sonny Salas y vice-versa. Ayera sin embargo huez a informa cu dia 8 di september, of probablemente mas tempran mes, lo e duna sentencia den e caso.

economia a resulta lo suficiente pa ser nota. E ministerio di trabao a califica e paro di "fracaso completo".

E promer ministro, George Athanassiadis Novas, den un discurso di gratitud na e pueblo di Atenas pa su comportamiento, a bisa qu e hendenan a duna cuenta cu "e guerrillanan politica no ta ser resolve cu manifestacionnan di riba caya pero den parlamento. "E unico acto publico cu a ser anuncia pa awe ta un mitin na Salonica.

Mayoría di e pueblo ta spera e mitin cu e Partido Union Centrista lo celebra manjan y e comienzo di e debate di confianza di e parlamento cu lo cuminsa cu un voto di confianza, dialuna of diamars, riba e gobierno nobo di

nistro dia 15 di juli ultimo hasiendo asina un hugada politica contra di Papandreou, cu a bisa cu e lo renuncia e dia siguiente pa un desacuerdo riba e despido di e ministro di defensa. Union Centrista, na cual Novas ta

## R. VAN HEESWIJK TA SIGI CURSO DI COMPUTERS NA NEW YORK

ORANJESTAD - Bolbiendo riba e noticia di ayera tocante e planan di Lago pa cumpra dos "computers" nos a ser informa mas leu cu diabierna awor sr. Ronny van Heeswijk di e departamento "Instrument Ingeneering" di Lago lo sali pa New York pa sigi un curso cu lo dura di 2 pa 13 di agosto venidero.

Esaki lo ta un curso den "designa automation for automatic control", es decir cu computers. Cu esaki a keda demostra un biaha mas cu Lago kier sigi cu e automatizacion mas tanto cu ta posibel. Esaki por tin como resultado - manera ya nos a scribi algun tempo pasa - cu denter di algun anja lo tin menos cu mil hende ta traha na Lago.

e promer minister Novas. Den e mitin di Union Centrista e promer ministro derroca George Papandreou lo trata di hanja apoyo suficiente pa derrota Novas. E rey hoben Constantino a nombra Novas como promer mi-pertenece, ta controla 171 di e 300 votonan parlamentario. Novas a designa 21 ministro di e partido y dos a segura nan votonan.

Sin embargo, como cu e lider di e partido, Papandreou, no ta perde hopi partidario, ta parse cu Novas no por gana.

Den tur caso e debate, di e votacion ta promete di ta anima of violento. No ta nada strango, cu den e parlamento griego cu pleitamentu lo termina den bringamentu.

## VERENIGING VOOR PROT. CHRIST. ONDERWIJS OP ARUBA

DIALUNA 2 DI AGOSTO FOR DI 5 TE 6' OR DI ATARDI.

Inscripcion di alumnos nobo na Mon Plaisir School, George Madurostraat na Oranjestad pa e siguiente schoolnan:

- a) MON PLAISIR COLLEGE (MULO BOVENBOUW)
- b) MON PLAISIR SCHOOL (MULO ONDERBOUW)
- c) MON PLAISIR SCHOOL (KLEUTERSCHOOL)

En coneccion cu e posibilidad limitá pa tuma mucha na school, inscripcion na tempu ta necesario. Por favor trece buki di casamento of papel di nacemento y papel di enter.

## TICO KUIPERI A TUMA RETIRO COMO PRESIDENTE DI ASU

(Di Nos Redactor Deportivo) Den un reunion di directiva di Aruba Sport Unie teni dialuna anochi a worde trata un carta di e president Tico Kuiperi den

cual esaki a pidi su retiro for di e puesto halto ey. Segun informacionnan obteni e motibonan pa e retiro aki ta ariba base personal.

Tico Kuiperi tabata cumpliendo su segundo termino como president di ASU despues di a sigi dr. G.A. Oduber den e puesto ey.

E presidencia di ASU den loke falta di e termino lo worde ocupa pa e vice-presidente Roy van Putten.



Esaki ta e momento cu Jong Aruba a empata e partido na 2-2 cu un bala den skina abau di gol. Na robey y un poco dilanti gol por mira portero Richardson.

## WORDT SECRETARESSE

Een ideaal beroep voor de vrouw!

6 augustus

vangen de volgende opleidingen aan:

### 2. AS ISTENT SECRETARESSE

Toelatingseis: Mulodiploma of 3 jaar H.B.S./M.M.S. Vraagt een gratis prospectus aan bij de

## ST. GERARDUS CURSUS

Oranjestad telefoon 3268 -3196

San Nicolas telefoon 5365.



## BEKENDMAKING

Ondergetekenden maken bekend, dat de handelsdrukkerij Ediciones Populares S.A., overgenomen is door Drukkerij de Curacaosche Courant N.V.

**Directie Curacaosche Courant N.V.**  
**Directie Ediciones Populares S.A.**



## HINDERVERORDENING ARUBA

De Gezaghebber van het eilandgebied Aruba maakt bekend dat een door R.D. Mansur ingediend verzoek met bijlagen om vergunning tot het oprichten van een inrichting om te kegelen op een perceel grond gelegen te Kamakoeri no. 3 en grenzende aan het gebouw van de S.V. Caribe gedurende dertig dagen na heden op het Bestuurskantoor, afdeling Algemene Zaken, ter inzage ligt en dat gedurende deze termijn een ieder mondeling of schriftelijk bezwaren tegen bedoeld verzoek kenbaar kan maken.



## TERRITORIO INSULAR DI ARUBA

Ontvanger di Territorio Insular di Aruba ta participa abonadonan cu no a paga nan abono di Telefono di luna di juli 1965 cu aanmaning lo ser poni na post dia 2 di augustus 1965 y cu lo di dia 3 di augustus 1965 lo cuminsa cobra gasto di aanmaning pa abononan di juli 1965.



Na robey ta Dito Franken mandando e bala cu a vence portero Richardson (na suela) totalmente pa haci e partido 3-2 na favor di Jong Aruba.



# REY DE



# COPAS



E RON TAN CONOCI Y GUSTA TA DUNA TUR HENDE E

## OPORTUNIDAD PA GANA F. 5000

CU UN OTRO CONCURSO SENSACIONAL DI E "CINCU RUMANNAN"  
DEN NOS VITRINA. SIMPLEMENTE DUNA NAN UN BUNITA NOMBER Y  
GANA UN MONTON DI PLACA

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastraat No. 47 y bo ta hanja un formulario pa yena bo nomber y direccion y e nombenan pa e cinco rumannan.
- 2) Entregá e formulario aki yená na oficina di Aruba Distilling Co., Wilhelminastraat No. 47 y percura pa bo recibo, cu ta pega na e mes formulario, ricibi su stempel di entrega.
- 3) Warda dia **30 DI SEPTEMBER** y cobra bo placa si e nombenan cu bo a duna ta e nombenan favorece
- 4) E mes persona por yena cuanto formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombenan escogi.
- 6) Exigi pa bo recibo tin un stempel di Aruba Distilling Co.

SEMPER E FAVORITO  
**RON REY DE COPAS**  
EL REY DEL TRAGO

**NOTA**

Directiva di Aruba Distilling Co. ta e unico responsable pa scogemento di e nombenan. E nombenan aki lo no ser coge pa

suerte y si e nomber aki ta igual na cualkier nomber cu surgi pa algun acontecimiento, esaki ta debi na pura casualidad.

\* E premionan lo worde reparti segun e cantidad di personanan cu tin e mes nomber pa cada popchi cu a worde favoreci.  
\* Otro Fls. 5000,- pa 30 di september 1965, pasobra nos kier

complace nos consumidornan un biaha mas cu e cinco rumannan den nos vitrina, como cu e ultimo concurso di Rey de Copas manera custumber a resulta un exito asina grandi.

**ARUBA DISTILLING CO -**

**WILHEMINASTRAAT 47 TEL. 1266**



# FUTBOL ???



Durante algun minuut den e segundo mitad di e partido entre Jong Aruba-Dakota, diamars anochi den stadion, futbol a cambia un rato pa tiramento di mokete y rancaemento di otro. Jimmy Richardson di Dakota y Dito Franken di Jong Aruba a dicidi na hala golpi y e otro hungadornan cu a bin pa separanan a haci cu e partido a worde

suspende pa algun minuut prome cu e temperamentonan a fria un poco. E foto ta muestra na robz Dito Franken di J.A. cu su man den halto mescos cu e kler a tira un "judo-chop" y su dilanti e hungador Sleur di Dakota ta posiclon a la "Mr. Moto" tratando di calma Franken. Despues por mira e hungadornan di Dakota, Guerrero, Yubi y mas: na drechi Jimmy Richardson, kende a worde expulsado di e partido pa e referee.

## PROME EMPATE DEN CAMPEONATO DI FUTBOL JONG ARUBA 3 - DAKOTA 3

E segundo partido di hoofdklasse di e campeonato di futbol recién inaugura, entre Dakota y Jong Aruba di Noord, a resulta den un empate di 3-3 despues cu e amarillonan a domina y a hunga tecnicamente mihor cu e equipo Norteño durante mayoria di parti di e wega. Pero un biaha mas Bibi Perez y su companjeronan tabata incansable y esaki a yuda nan cambia un desventaha di 1-2, den un ventaha di 3-2 riba e Amarillonan, te 6 minuut promer cu e partido a finaliza.

Despues cu referee Chinto Franken a fluit pa e partido cuminsa, su segundo pitazo, algun seconde despues, tabata pa indica cu e promer gol di wega a ser marca. Cu e promer atake caba Jong Aruba a hiba e bala den porteria di Yubi Richardson promer cu e defensa di Dakota a hanja oportunidad pa interveni, Angel Perez a manda e bala den cabuya.

E gol aki tabata un estimulo grandi pa Jong Aruba, pero Dakota realizando cu ainda tabata falta mas cu ochentinuebe minuut di wega, a keda serenoyacuminsa desplega nan wega manera nan a planea riba papel.

Despues di a domina pa varios rato, e Dakoteronan a anota nan prome tanto ora cu Daniel Pablo a hanja e bala den bon posiclon y a tira sigur den e skinapariba, leu for di Mariano Tromp, portero di Jong Aruba. Prome cu halftime ainda Dakota a tuma ventaha cu un bunita gol di e hoben Frank Richardson, kende poco poco ta converti su mesden e homber mas peligroso y di mihor punteria den e delantera di Dakota.

Durante segundo mitad e wega di Dakota a flohea un poco y esaki a resulta poco fatal pa nan. E hungadornan di Jong Aruba, semper bringando e bala, a cu-

minza avanza cu mas frecuencia y un di e atakenan nan a vence Yubi Richardson pa di dos biaha.

A surgi un protesta pa parti di Dakota riba validez di e gol aki, como cu linesman Labad a zwaal bandera pa offside. Pero referee Franken no a cambia su decision y e bala a keda gol. Un poco despues di e gol aki a surgi un incidente entre e hungadornan Jimmy Richardson y Dito Franken di Jong Aruba cu e resultado cu e hungador di Dakota a ser expulsado di e partido pa referee Franken. Dakota a keda hunga resto di e partido cu diez hungador y esaki por poco a causan e derrota. Durante un proximo atake di Jong Aruba, Dito Franken a hanja portero Richardson leu for di su gol y a manda un bala lastra den skina di arriba.

E esfuerzo grandi di e portero pa tene e bala no tabatin exito como cu e bala a haci un "bounce" malo y a pasa riba e mannan di e portero. Tin di bisa cu si portero Richardson tabata posiclon den su gol manera mester tabata, anto lo e tabatin mas facilidad pa tene e bala, maske esaki a haci un mal bounce.

A parece pa un rato cu Dakota lo a perde e partido, pero gracias na algun bon cambio di posiclon entre algun hungador e

Dakoteronan a cuminsa penetra cu mas frecuencia den e defensa di Jong Aruba. E atakenan di Dakota tabata asina intenso cu por a spera e gol di empate na cada momento. Esaki a yega na di 39 minuut di wega ora cu Daniel Pablo a encabeza fuerte riba un voorzet for di ala drechi. E bala a pasa riba mannan di portero Tromp, pa empata e partido.

Durante e partido Jong Aruba-Dakota e asociacion di referee a haci un mal impresion ora cu un di e linesmen cu tabata na turno no a presenta pa zwaal bandera. Esaki ta lamentable pa un partido di hoofdklasse y e ta trece cune cu e trabao di e referee ta bira mas pisa y como consecuencia e referee ta tuma decisionnan incorrecto, algo cu ta tuma lugar basta hopi den e ultimo tempo. Na e asociacion di referee ta bai un conseho pa pronto cuminsa cu un campanja pa hanja mas persona interesa pa haci e trabao di referee, como cu actualmente a bira sustumber cu e asociacion ta depen-

de riba solamente un referee experiencia y dos otro cu ainda tin di fluit masha hopi wega di hoofdklasse pa hanja e experiencia di fluit y actua riba terreno.

PA DOS FOTO MAS DI E AC-  
CIONNAN DI E ENCUENTRO  
MIRA PAGINA CUATRO.



Un di e poco atrapadanan fantastico durante partido Jong Aruba-Dakota diamars anochi den stadion, durante un atake di Jong Aruba portero Yubi Richardson di Dakota ta tuma direccion di nubia pa garra un tiro peligroso. E otro hungadornan ta d.r.p.d. Pablo, Commenencia y Sleur di Dakota.

# Tres persona ta aspira pa bira hefe di partido conservador

LONDRES -- UPI -- E batalla pa jefatura di Partido Conservador Britanico a convirti su mes den un triple contienda entre Reginald Maudling, ex-ministro di Hacienda, Edward Heath, experto economista y John Enoch Powell, ex-ministro di salud, segun e direccion haltu di e agrupacion, awe den oposicion, a anuncia.

E contienda ta haña un significacion special no solamente pa importante puesto qu ta den wega, sin pasobra e vencedor lo ser yama pa presidi Gobierno si laborismo lo ser derrota den e eleccionnan general.

Powell, quende a renuncia como ministro den desacuerdo cu Sir Alec Douglas - Home, a anuncia ayera noch su decision na ultimo momento di participa den eleccion di e sucesor di Alec Douglas-Home, quende a retira siman pasa, "pa duna e terreno na un homber mas hoben", y a bisa qu su nomber lo figura den e prome votacion, qu a ser señala pa awe.

Observadornan politico ta kere qu e participacion di Powell, representante di extrema ala derecho di e Partido, lo a stroba inesperadamente e contienda entre Maudling y Heath.

Varios corantnan influyente a duna nan apoyo na Heath, quende

a ser destaca como negociador pa obtene ingreso na Inglaterra di Mercado Comun Europeo -- qu a ser vetá pa presidente Charles de Gaulle di Francia -- pero Maudling, parse, sin embargo, tin un ventaja chiki aunke creciente.

Tambe observadornan a bisa qu Powell posiblemente lo duna algun voto na Maudling y Heath, aunke e ultimo aki ta favorece un politica economica agresiva pa parti di Gobierno.

Den e centronan di apuestonan na Londres, qu semper ta constitui e barometro di opinion, general, nan tabata debati qu Maudling tabatin un ventaja di 5 of 6 pa 4, mientras qu e cotizacion di Heath tabata di un y esun di Powell 33 contra 1.

E ex-ministro di defensa Peter Thorneycroft, quende a ser menciona como otro posibel aspirante di e jefatura conservador, a nenga publicamente na participa den e prome votacion, "pasobra mi no kier ta causa di un estancamiento", sin qu ningun di e otro candidatonan obtene e mayoria necesario.

Thorneycroft, sin embargo, no a exclui e posibilidad di hasi esaki despues si e 303 diputadonan conservador faya, manera generalmente nan ta spera esaki, den nombra e sucesor di Douglas-Home, den e prome buelta di e eleccion complica aki.

E puestadornan di Thorneycroft den proporecion di 50 contra unu.

E anuncio oficial di Partido Conservador, qu a ser hasi den Parlamento, a causa un actividad purá inmediatamente den anticipacion ne eleccion di diahuebs.

Powell, quende tabata e profesor mas hoben di griego di Mancomunidad Britanica di paisnan, parse no tabata dispuesto pa tuma parti dene actividad aki y sin stroba su plannan, ela blaha pa Liverpool ayera pa papia den un reunion di hombernan di negoshi.

Pero Maudling y Heath, di 48 y 49 aña di edad, respectivamente, a ser mira ora qu nan tabata camnando tur anshá door di e gangnan di Parlamento en busca di votos.

## Nos Bida Social

Sincera felicitacion ta bai awe pa e pareha Juliano Dirksz y Anna Dirksz-Geerman, cu a cumpli 36 anja casa. E felicitacion ta bini di nan yiu Rica, suegro Evaristo, mama Isenia, padraastro Adriaan, tur rumannan especialmente di Nivia, di nan nieta Magaly Ras y demas famia Geerman, Dirksz y Ras.

A celebra su cumpleaños e hobencito Robertino Tromp. Na ocasion di su tercer aniversario Robby ta ricibi felicitacion di su tata Servinio, mama Modesta, su rumannan Esther y Mildred, padrino Antonio Glei, madrina Ankie Wolff na Hulanda, tanta Ija, y tur otro famia.

Otro pareha cu a recorda nan boda matrimonial ta Francisco y Apolonia Henriquez, kende 21 anja pasa a hura amor eterno na otro. Nan ta ricibi felicitacion di nan 8 yunan, rumannan, comer y compernan y tambe di famianan Arends, Van der Linden, Henriquez, Kock, Ponson, Rafini, Colina, y muy en especial di Aura y Daniel Colina.

Willelem Hendrik Quandt a cumpli 3 anja di bida. E ta ricibi felicitacion di su mama Irma, su tata Bernardo, rumannan Juancito, Fernando y Paulina, su tantanan, welanan, omonan y tur otro famia.

### PROIMO MATRIMONIO

E parehanan cu den e dianan vendero lo contrae matrimonio ta: Jacobo Coronel di Socotorolaan y Joan Agnes Peterson di Koolbaay-Bergstraat. Rosinda Dijkhoff di Savaneta y Florentina Maria Ras, tambe di Savaneta.

### RESULTADO CONCURSO A. CAMERA CLUB

ORANJESTAD - Resultadonan di e concurso di Aruba Camera Club pa e lunanan juni y juli ta e siguiente:

Pa luna di juni e topico tabata: Dia's, segun deseo.

E resultado tabata: 1. T. Nijdam; 2. G. Timmers; 3. A. Stolwijk; 4. B. de Groot; 5. Dr. Galkhorst; 6. P. Krol.

Pa luna di juli e sujeto tabata: "Zwart wit vorm en lijn".

E resultado: 1. A. Stolwijk; 2. F. Meewis; 3. F. van Meeteren. Pa luna di agosto e sujeto lo ta: "Zwart wit vrij".

## Lama a dispase

NEW DELHI -- UPI -- Pachem Lama, segundo den e jerarquia budista qu tabata ser encabesa pa Dalai Lama y quende a ser nombrá pa China Comunista como presidente di e comision di Tíbet, a dispase for di su cas oficial, segun informacionnan qu a ser ricibi den e capital aki. E informacionnan, qu a ser proporciona pa refugiadonan tibetano a agrege qu Pachem Lama, quende a ser privá di su puestonan oficial na aña 1964, a ser tortura prome qu ela ser manda un lugar secreto pa representantenan di China Comunista.

### PEPITA



### BUCHI ROBES



su vida personal. Más tarde, termine su trabajo eficientemente. Sea sociable.

CANCER ( jun. 21 a jul. 22 Las presiones dei trabajo serán relevadas si es más eficiente y tendrá más tiempo libre para recrearse. Demuestre que tiene verdadera habilidad. La vida no es una carga si la planea inteligentemente.

LEO ( jul. 23 a agto. 22 A usted se le ocurre una idea asombrosa que puede ser llevada a la atención de uno que puede respaldarlo. Comuníquese con los que tienen una experiencia distinta a la suya.

VIRGO (agto. 23 a sept. 22 Terminando rápidamente con sus obligaciones tendrá tiempo libre para cultivar nuevas amistades de importancia. Lleve a cabo las tareas que le ha dado un ser querido. Sea, práctico.

LIBRA (sept. 23 a oct. 22 Conozca qué es lo que quieren sus socios, para que más tarde pueda llevarlo a cabo de una manera brillante.

Solucionese cualquier altercado anterior. Trate de ser feliz en sus ocupaciones.

ESCORPION ( oct. 23 a nov. 21 Aunque se amontone mucho trabajo en la mañana, eso es bueno puesto que tendrá tiempo más tarde para estar con personas fascinantes. Planee el futuro inteligentemente.

SAGITARIO (nov. 22 a dic. 21 Es aconsejable que le preste atención en la mañana a los asuntos sociales para que más tarde se pueda ocupar del trabajo que tiene delante. Use toda esa habilidad que posee. Acíarello todo satisfactoriamente.

CAPRICORNIO (dic. 22 a ene 19. Consulte con un pariente en lo que respecta a ciertos cambios radicales que quiere hacer. Discuta sobre los asuntos básicos. Demuestre su buena disposición cuando saiga a recrearse.

ACUARIO ( ene 20 a feb. 18 Usted tiene ideas magnificas ahora y las debe poner en operación rápidamente. Cerciórese primero de tener toda la información que necesita. La noche será agradable con su propia familia.

PISCIS (feb. 19 a mar. 20 Los asuntos financieros toman precedencia en la mañana, pero consulte más tarde con sus asociados para poner los planes en movimiento. Conferencie con un consejero confiable. Trate de seguir lo que se ha sugerido.

SI SU HIJO NACE HOY..... Será definitivamente el tipo explorador y demostrará una gran inteligencia muy temprano en su vida. Dele la mejor educación posible.

## TRIUNFO PA PARADERA Y BRAZIL

(Di Nos Redactor Deportivo) Ariba cancha di Estrella na Sta. Cruz dialuna anochi, e sexteto masculino clase B di Paradera haciendo su debut - a obtene un triunfo den e campeonato di volleyball. Nan a gana den tres set di Dakota cu tambe a hunga su promer match.

Promer set a worde gana door di Paradera 15-8. Dakota a tabla e accionnan ganando e di dos cu score di 15-9, y e tercer a worde gana door di Paradera 15-11. E partido femenino clase B entre Brazil y Tivoli a resulta den triunfo di dos cero pa Brazil. E setnan a termina 15-6 y 15-8. Awe noch riba cancha di Brazil ta worde hunga e partido masculino clase B entre Connie Francis y Pepsi Cola sigi pa e partido femenino clase A entre Volley Stars White y Connie Francis.



**MAX KIRBY**

Agente exclusivo di

**FRIESCHE VLAG**

lechi evaporado y lechi en polvo

**MAXWELL HOUSE KOFFIE.**

pa cortesia di:

**JAN BODÉGOM & CO (ARUBA) N.V.**

**POR CUMPRAR ARUBAANSE COURANT NA E SIGUIENTE LUGARNAN:**

**NA ORANJESTAD:**  
BOEKHANDEL MARISKA,  
PIET SODA FOUNTAIN,  
REFRESQUERIA INGRID

**NA SAN NICOLAS**  
NICOLAAS STORE  
UNION STORE.




**DICK TRACY**

presenta pa cortesia di:

**VICTORIA BOTTLING COMPANY**

**PEPSI-COLA --- SEVEN UP --- GRAPETTE-KIST --- VICTORIA SODA WATER---  
BUFFALO ROCK--- GINGER ALE**



**CISCO KID**

pa cortesia di:

**ARUBA BOTTLING COMPANY**

**NESBITTS den varios sabor, e refresconan mas pidi y mas gusta na Aruba.**



- E Ora Aventuroso
- Melodias del Alma
- Informacion di Gobierno
- 5.15 Palabranan di Bida
- 5.30 Ecos del Cielo
- La Voz del Evangelio
- 5.45 Musica Sagrada
- 6.00 Nederlands Nieuws
- 6.15 De Groene Weide
- Christelijke Lieder
- Christus tot de Volkeren
- Der Aarde Gebracht (herhaling)
- Voor Zijn Glorie
- Windows on Holland
- 6.30 World News
- 6.45 Lag Hour
- Baptist Hour
- Miracles
- Musical Interlude
- Haven of Rest
- Issues in the Nes
- 7.00 Organ Hymns that Live
- Sacred Songs
- 7.15 Off the Record
- 7.30 Miracles and Melodies
- Bible Time
- Light and Life Hour
- Haven of Rest
- Unshackled
- Showers of Blessing
- 7.45 Psychology for Living
- Look Up and Beyond
- 8.00 Musical Gems
- 8.30 Back to the Bible
- 9.00 Klassieke Muziek
- 9.55 Dagsluiting
- 10.00 Sign Off

**RADIO ANTILLANA**

- 5.30 a.m. Apertura y Oracion
- 5.35 Mananita Arubanas
- 5.45 Melodias di Wild West
- 6.10 News in English
- 6.30 Noticia na Papiamentu
- 7.30 Noticia na Papiamentu
- 7.45 Programa di Jule Nieuw
- 8.00 Espacio pa un Ritmo Criollo y un poesia.
- 8.10 Variedad Musical
- 8.30 Musica y consejo dedica na tur nos amigonan automobilista.
- 9.00 Noticia na Papiamentu
- 9.15 Musica Norte-Americano.
- 9.30 Mejico cantando via Radio Antillana.
- 10.00 Intermedio Musical.
- 10.10 Noticia na Ingles.
- 10.20 Programa di La Macorisna & International Supermarkets.
- 10.40 Momento di Ritmo
- 11.00 Tur dia otro programma - see changes.
- 11.15 Voznan Popular
- 12.00 p.m. Oracion di Merdia.
- 12.03 Seccion Informativo
- 12.20 Noticia na Papiamentu
- 12.30 News in English
- 12.45 Capsulas en Orbitas alrededor di Mundo Deportivo.
- 1.00 Noticia na Papiamentu
- 1.20 Fiesta Calypso
- 2.00 Musica Norte-Americano.
- 4.00 La Esperanza y su Obsequio Musical.
- 4.30 Variedad Musical cu Complacencias.
- 5.00 Noticia na Papiamentu
- 5.30 Calypso Rama - Budweiser - do nos ojentenan.
- 6.00 Variedad Musical
- 6.15 Musica Columbiana
- 6.30 Noticia na Papiamentu
- 6.45 Variedad Musical
- 7.00 Felicitaciones y Complacencias.
- 7.45 Programa di Jule Nieuw
- 8.00 Programa di Club Bonairreano - Club Surnam.
- 8.15 Continuacion di Fel. y Compl. Peticiones.
- 8.30 Reddy Kilowatt - Dial, Diaraz, - Diab, y Diasabra.
- 9.00 Desfile di Exitos.
- 10.00 Anloranzas.
- 10.30 Impactonan Musical.
- 11.00 Melodia y Romance Musical
- 12.00 Clausura

**RADIO CARACAS TELEVISION**

- DI AHUEBS**
- 2.45 Secretos de Mujer
- 2.50 La Novela Pasional
- 3.10 Tu Desconocido Yo
- 3.25 Locolandia
- 4.00 Cortos Cinematograficos
- 4.15 Travesuras de Alicia
- 5.00 Caricaturas
- 5.30 Wells Fargo
- 6.00 Hazañas del Espacio
- 6.30 Club Musical
- 7.30 El Agente Sentimental
- 8.30 El Tribunal Popular
- 9.00 El Observador
- 9.15 La Caldera del Diablo
- 9.45 Juan Vicente Torrealba
- 10.15 Suspenso
- 11.15 Estrellas de Hollywood
- 11.45 Radio Caracas Television Te Dice.

**LONDRES -- UPI --** Edward Heath a ser proclama awe hefe di e partido conservador di Gran Bretaña. E politico di 49 anja a cuminsa inmediatamente na planea su esfuersonan pa logra e derrota di e gobierno laborista. Partido conservador a anuncia oficialmente poco despues di 11.30 di mainta cu Heath a sucede Sir Alex Douglas Home como hefe di e agrupacion partidario.

**TELEARUBA**

- 5.30 Cartoons
- 6.00 Industry on parade
- 6.15 Count of Monte Cristo
- 6.45 Papiamentu News Cast
- 7.00 Sea Hunt
- 7.30 Papiamentu Sport news
- 7.45 Esperanza Show
- 8.15 The Detectives
- 8.45 English News Cast
- 9.00 Ben Casey
- 10.00 Roaring Twenties
- 11.00 Sign Off

**RADIO KELKBOOM**

- 7.00 Opening
- 7.02 Bon dia cu alegria (Instrumental)
- 7.30 Noticia Internacional (Amstel)
- 7.45 Musica Matutino
- 8.00 Seleccion Musical cu disconan Latino Americano
- 8.30 Cumpleanjos Feliz
- 9.00 Noticia Social
- 9.15 Musica Varia
- 9.30 Melodias Instrumental
- 10.00 Noticia Internacional

- 10.05 Ritmos Latinos
- 10.30 Programma di N. Habibe Jr.
- 11.00 Noticia Internacional
- 11.05 Musica Norte-Americana
- 11.15 Musica Antillana
- 11.30 Musica Varia
- 12.15 Noticia Internacional (Schlitz)
- 12.30 Musica Norte-Americana
- 12.45 Noticia Lokaal (Viana)
- 01.00 Musica Varia
- 01.30 Mei ora cu Boleros
- 02.00 Noticia
- 02.05 Novela (Ripiticion)
- 02.30 Peticiones
- 03.00 Noticia
- 03.15 Ritmos di Caribe
- 03.45 La Macorisana & Internacional Supermarket
- 04.00 Musica cu sabor Azteca
- 04.30 Noticia Lokaal (Heineken)
- 04.45 Cocktail Musical
- 05.00 Musica Varia
- 05.15 Musica Varia
- 06.00 Noticia Deportivo (Gillette)
- 06.15 Musica Varia
- 06.30 Musica para la Cena
- 07.00 Musica Aleman
- 07.15 Musica Aleman
- 07.45 Musica Norte-Americana (Instrumental)
- 08.15 Novela (Colgate)
- 08.45 Musica Varia
- 09.00 C.C.A.
- 10.00 Sluiting.

- 8.30 Ultimas Noticias
- 8.45 El Pan de Vida
- 9.00 Mundo Femenino
- 9.15 El Sendero de Vida
- 9.30 Morning Melodies
- 10.00 The Bible for You
- 10.15 Organ Melodies
- 10.30 Through the Bible
- 11.00 Chapel of the Air
- 11.15 Delicados Pastos
- 12.00 Ultimas Noticias
- 12.15 Musica Sagrada y Meditacion Sacred Music & Call of Calvary
- 12.30 World News
- 12.45 Quiet Time
- 1.00 Radio Concert Hall
- 2.00 Reading Room
- Hour of Decision (repeat)
- 2.15 Quiet Hour
- 2.30 Dr. Barnhouse and the Bible
- Bible Study Hour
- 3.00 Ensueños Musicales
- 3.40
- 3.30 La Hora Bautista
- Control Central
- Bo Pregunta Contesta
- Prosa Y Poesias
- Vida Nueva
- Fitanes de Fe
- 3.45 Academia Cristiana
- Melodias del Alma
- 4.00 Musica di Banda
- 4.15 Ultimas Noticias
- 4.30 Listening Post
- Fun With Music
- 4.45 Sailor Sam
- Muchanan pa Cristo
- Children's Gospel Hour
- Fun With Music
- Music Box
- Herbertud pa Cristo
- 5.00 Vertel Uurtje
- Canta Leo

**RADIO VICTORIA**

- 6.00 Apertura & Musica di Banda
- 6.15 E Bijbel Habri
- 6.30 Ultimas Noticias
- 6.45 Peticiones
- 7.00 La Biblia Abierta
- 7.15 Noticias Español
- 7.25 Llamada a la Conciencia
- 7.30 World News
- 7.45 Christian Emphasis
- 7.50 Bo Musica Favorito
- 8.15 El Camino de Victoria



- De Veer: 8.30 p.m. "Night Must Fall" 18 j
- Alto: 8.00 p.m. "Doctor in Disress" 18 j
- Principal: 8.00 p.m. "All The Way Home" 18 j
- Prora: 8.00 p.m. "Around the World in 90 Nights" 18 j
- Avaneta: 8.00 p.m. "Tu Y la Ventira" 18 j